

59778/p

SPECIMEN MEDICUM

INAUGURALE,

DE

VARIOLA.

For the Medical Society
of Aberdeen,
with Wishes for its prosperity
from
The Author

SPECIMEN MEDICUM

INAUGURALE MED. CHIR. SOC.

DE

ABERDEEN.

VARIOLA;

QUOD,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S. S. T. P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

GULIELMUS YOUNG,

SCOTUS.

Soc. Nat. Stud. Edin. Soc. Ext.

Sponte sua quae se tollunt in luminis auras,

laeta et fortia surgunt.

Quippe solo natura subest. Tamen haec quoque si quis

Inferat, aut scrobibus mandet mutata subactis;

Exuerint sylvestrem animum: cultuque frequenti,

In quascunque voces artes haud tarda sequuntur.

VIRG. GEORG. Lib. II.

Ad diem 24. Junii, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,XCV.



316844

Avunculo suo,
CAROLO GORDON,

ARMIGERO
DE BUTHLAW,

et

JOANNI YOUNG,

Fratrum Optimo,

S. P. D.

GULIELMUS YOUNG.

Hocce opusculum, ut specimen progressus, quem in arte Hippocratica fecerim, in vulgus editurus, non diu mecum potui deliberare, quibusnam, ante omnes alios, id consecrare deberem. Pupillus, parentibus carissimis praemature extinctis, relictus, et tutelae vestrae commissus, nullum aliud inde detrimentum, quam merum ante diem rectorum desiderium, capere fui permixsus, vestra indulgentia, amicitia et favore perpetuis fatus et sustentatus. Nulla eloquentia, si haec mihi contigisset, nulla verba, quam profundus et inextinctus beneficiorum, quae a vobis utrisque acceperim, sensus memoriae insideat, possunt enunciare. Vitam diuturnam, et ab hisce curis molestisque, quae multos mortalium, modum in miserandum, exercent, vacuam agatis, civibus et amicis constanter cari et accepti. Valet.

Edinburgi, Idibus Junii, }
dabam.



Digitized by the Internet Archive
in 2018 with funding from
Wellcome Library

<https://archive.org/details/b30386482>

ERRATA.

Page 50 line 5 *post* Ille *dele* qui

— 56 — 2 — humorum *adde* ad putredinem

Apropos of distempers; the small-pox, so fatal, and so general amongst us, is here entirely harmless, by the invention of *ingrafting*, which is the term they give it. The children, or young patients, have very rarely above twenty or thirty in their faces, which never mark. Every year thousands undergo this operation; and the French ambassador says pleasantly, that they take the small pox here by way of diversion, as they take the waters in other countries. There is no example of any one that has died in it; and you may believe I am well satisfied of the safety of this experiment, since *I intend to try it on my dear little-son.*

LADY M. W. MONTAGUE'S LETTERS.

SPECIMEN MEDICUM

INAUGURALE,

DE

VARIOLA.

Auct. G. YOUNG.

PARS PRIMA,

DE INSITIONE VARIOLÆ.

———— culpam compeſce, priuſquam
Dira per incautum ſerpant contagia vulgus.

CORPUS humanum tam mirè formatum et
conſtitutum eſt, ut nihil ei inſit, ut verba
Ciceroniſ adhibeamus, inane, nihil ſine cauſa,
nihil ſupervacaneum. Etenim in eo eſt admi-
rabiliſ quaedam continuatio ſerieſque rerum,
quarum aliae, ex aliis nexae, et omnes inter ſe

A

ita

ita aptae, atque ita conligatae sunt, ut, in modum ejusdem Ciceronis, non sponte non exclamare possimus, quae compositio membrorum, quae conformatio lineamentorum, quae figura, quae species, humana potest esse pulchrior! Quamquam vero corpus tam exquisitè formatum est, et tot tantaque commoda praeterea a natura deducit, quae, quantum ad id attinet, in primis fuit benigna, fragile tamen est, caducum, et multis, iisdemque gravissimis, morbis obnoxium.

‘ Morbus adest, quum corpus tantum a statu sano deflexerit, ut solitae actiones vel prorsus impediuntur, vel aegre, aut cum dolore, perficiantur*.’ Morbi tamen natura sua plurimum differunt. Alii a labe haereditaria profluunt, id est, a parente cum progenie sua communicantur; alii regionibus certis, potiusve coelis; alii singularibus anni tempestatibus circumscribuntur. Alii rursus sunt, quos paucissimi effugiunt,

* Greg. Conspect. Med. Th.

unt, qui vero eos, semel tantum, per totum vitae decursum, invadunt. Etiamnum alia eorundem cohors est, qui non tantum unumquemque, sine discrimine, aggrediuntur, sed eundem etiam compluries, et forsitan ex intervallis brevibus, corripunt. Quinetiam alios morbos infantibus, adultis et aetate provectioribus; virginibus, praegnantibus, puerperis, &c. proprios esse notare licebit.

Insuper, morbi non tantum a se invicem discrepant, sed idem morbus in aliis, vel in eodem homine, diversis temporibus, alius esse potest. Ejusdem morbi, in variis mortalibus differentis, vix melius aptiusque exemplum possumus proferre, quam in *variola*, quae, ut neminem latet, duas formas sibi diversas assumit. Hoc discrimen vero, maxima ex parte, abolivit *insitio*.

Cum insitio generi humano tantopere profuerit, non alienum esse videtur, de ortu ejus et progressu,

progressu, paucis differere. Rerum, apud Britannos, potente Georgio Primo, legatus Tripolensis, cui nomen fuit Cassam Aga, asserere non dubitavit, in usu tamdiu fuisse, ut nemo originis primae reminisci potuerit. Quibusdam animus inclinatur, ut opinentur, in Georgia Circassiae primum fuisse ortam; et Timoni quidem testatur, in usum practicum, Constantinopoli, eam invexisse incolas Circassiae et Georgiae. Ubi vero variola primum sese ostenderit, ibi insitionem, uti stragi, quam morbus ederet, occurreretur, in usum revocatum iri in primis probabile est.

De insitione, circa annum salutis humanae 1701, per literas, Constantinopoli datas, primum Britanni certiores facti fuerunt. Anno 1713, aliquid amplius super ea accepimus. Ad eam vero incolae nostrae insulae animum parum attendisse videntur. Anno 1717, mulier generosa, Maria Wortley Montague, qua nihil magis singulare forsitan in ulla regione unquam fuit editum, postquam filio suo, Constantinopoli,

virus

virus variolosum inferuit, historiam operationis successusque ejus prosperi ad Angliam devehendam curavit. Anno 1721 labente, permisso Georgii Primi periculum ejus felix in quibusdam capite damnatis factum est. Hoc exemplum, brevi, complures Nobiles, et, anno 1722, quidam sanguine regio prognati, fuerunt imitati. Ex hoc tempore, apud Britannos, insitio, arte Hippocratica ei praesidente, ortum primum habuisse videtur.

USUS INSITIONIS PRACTICUS.

Quam tutam utilisque sit, rapidus, quem fecerit, progressus abunde clareque testatur. Igitur, commodis inde profluentibus silentio praeteritis, ea, quae notare decreverimus, *praxi insitionis*, uti vocatur, coercebimus. Haec *aetatem, anni tempestatem, conditionem corporis, curationem antecedentem et materiam* comprehendit.

SECT. I. ÆTAS.—Quantum ad aetatem inficendi attinet, moris communis est quorundam pueris, qui pauculos menses tantum nati sunt, virus variolosum inferere. Nec huic consuetudini successus defuit prosper. Et multa exempla memoriae prodita fuerunt, ubi, licet aetate provectiores fuerint, viro varioloso imbuti, convalescerunt. Dimsdalius vero clarus opinatur, pueros, qui nondum annum aetatis alterum fuerunt transgressi, periculo infectionis non esse objiciendos. Si vero praxin Culleni, jure celeberrimi, respiciamus, puer, post primam dentitionem, aut eam inter et pubertatem, morbo impertiendus est.

Praeterea, si puer infectioni, non tantum aetatis habens, subjiciatur, non solum patet omnibus dentiendi periculis, sed etiam febribus, diarrhoeis, convulsionibus, et aliis morbis infantiae propriis, qui per se satis graves depulsiueque difficiles sunt. Et numerum eorum quidem, in infanti tenello augere, et crudele et injustum foret.

foret. Infuper pueri, brevi postquam dentes fuerunt orti, praeceptis parentum obedientiores evadunt, et indoles manifestior fit, et illis, ut medicamenta necessaria sumant, facilius potest persuaderi. Causa vero gravior potentiorque haec est, cur virus variolosum admodum pueris non inferatur, quod plures variola, ut ex historiis mortalitatis constat, partum inter et annum aetatis quintum, quam quintum inter et pubertatem, extinguuntur

Operationem diutius differre alienum foret, quoniam nonnihil periculi est, ne morbus modo naturali contrahatur, praesertim in urbibus amplioribus, ubi contagio fere semper subest. Et ex hoc tempore et pubertate, ad certam aetatem usque, corpus plenitudine magis redundat, et, circa pubertatem, certa corporis conditio est, quae adultos aetate feбри concitatori, et majori inflammationi, opportunos efficiet.

Quantum *aetatem provectiorem* spectat, homines seniores e morbo convalescere possunt, si tantum virium, quantum vim ejus tolerare possit, habeant.

habeant. Caeterum, senio accedente, tegumenta corporis ficca, rigida et tensa evadunt, et ita eruptionem retardant, vel saltem eandem difficiliorem reddunt. Quinetiam cum hoc vitae tempore conjungitur singularis debilitas vel languor. Ægrotus, rebus ita se habentibus, adeo infirmus est, ut quilibet morbus periculum habeat; et circuitus sanguinis adeo debilis inersque evadit, ut proclivitas ad gangraenam oriatur, quae frequenter in iis incidere consuevit, qui vires et vigorem morbis invadentibus accomodatorem habent. Insuper, cum aliquis aetatem provectiorem attigit, et contagione nunquam fuit correptus, in primis probabile est, eum ab ea constanter immunem esse mansurum. Hoc in exemplo, talem morbo impertiri, praesertim ad eum recipiendum tam parum idoneum, omnino alienum foret.

Hisce commodis incommodisque consideratis, puer, me iudice, arte infici potest, et optimam e morbo emergendi spem habere, annum aetatis alterum inter et quartum. Si vero variola epidemicè grassetur, virus variolosum, ut in morbum

bum naturalem non incidat, maturius ei inferere conveniet.

SECT. II. TEMPESTAS ANNI.—In tempestate anni feligenda, et calor et frigus immodicum fugiatur, quoniam ille conditionem corporis putridam, hoc inflammatoriam adauget. Ob quam rationem, nec *aestas*, nec *hyems* huic operationi bene conveniet. *Æstatem* variolam inferendi consilio parum idoneam esse testatur Sydenhamus, omnium medicorum forsitan longè sagacissimus, qui memoriae prodit variolam, tempestatibus ficcissimis, vel iis, ubi gramen ubique exustum est, maximam stragem edere. *Autumno*, morbi epidemici maxime invalescunt, et, ea tempestate quoque, humores ad putredinem insigniter proni sunt. ‘Autumnus,’ inquit observator accuratissimus, ‘plenus est periculorum, neque ullum aequè tempus morbis exitiosis et pestilentiae patet *.’

B

Paucissima

* Lommii Observat. Med.

Paucissima *veri* objici posse videntur, quoniam, illo tempore nec calor aestatis, nec frigus hyemis dominatur. Porro a Sydenhamo supra posito fuit notatum, illis annis, quibus variola epidemicè saeviit, correptos, circa vernal æquinoctium, formam morbi mitem plerumque habuisse. Et ‘ ver (quantum in se est) inter
 ‘ caetera anni tempora saluberrimum est, mini-
 ‘ mèque exitiosis morbis opportunum *.’

Si tamen variola epidemicè sese diffundat, ad insitionem, qualibet tempestate, decurri licet, dummodo satis curae agatur, ut aegrotus, per tempestatem calidam, satis refrigeretur, et, hyeme, non nimis inclementiae temporis anni obijciatur. Quinetiam, cum fuerit notatum, contagium variolosum, cum scarlatina anginosa conjunctum, plerumque esse exitio†, insitionem eo tempore, quo haec invalescit, vitare erit necessarium.

SECT.

* Loco supra citat.

† Walker on the Small-Pox.

SECT. III. CONDITIO CORPORIS.—Primo intuitu, erit manifestum, aegrotum, tempore insitionis, ab omni alio vicio quam maxime vacare oportere. Summi vero momenti erit novisse, utrum omnis conditio morbida, ut insitione abstinenceatur, facere debeat, et quinam morbi ei maxime adversentur. Quantum ad illud attinet, Culenus sequentia notat. ‘I am disposed to maintain,’ inquit vir ille illustris, ‘that, although
 ‘ a person be in a diseased state, if that state be
 ‘ of uncertain nature and effect, and at the same
 ‘ time the small-pox be exceedingly rife, so as
 ‘ to render it extremely difficult to guard against
 ‘ the common infection, it will always
 ‘ be safer to give the small-pox by inoculation,
 ‘ than to leave the person to take them by the
 ‘ common infection.’

Morbi insitioni maxime adversi sunt *febriles* et *inflammationem* habentes. Tempus, quo *menstrua* profunduntur, huic operationi pessima accommodari plerumque fuit existimatum, et Dimidalius

dalius ait, se, cum tempus feligere permittitur, virus brevi inferere, postquam evacuatio cessavit, sed opinatur, nullam esse rationem, cur operatione, quolibet tempore, abstinenceatur. Qui morbis *chronicis*, et quibusdam aliis, ut *scrofula*, *scorbuto*, &c. laborat, ille infici potest; non tantum quod nonnulli ex hisce morbis tarde difficulterque depelluntur, et alii eorum ex toto insanabiles sunt, sed etiam quod variolam graviores efficere non fuerunt notati. Immo, exempla non desunt, ubi corpora, scrofula conflictantia, insitione peracta, ad conditionem meliorem fuerunt reducta. ‘ One of my correspondents writes me,’ inquit Monroius venerabilis senior, ‘ that a scrofulous boy, whom he ‘ unwillingly inoculated, at the earnest solicitation of the parents, has had a better constitution, and fewer running sores, since he recovered from the artificial small-pox, than he ‘ had before that disease.’ Fere supervacaneum esse videtur, commemorare, summae imprudentiae

tiae fore quemlibet, ullo virium defectu magno laborantem, contagioni variolosae subicere.

Auctor nuperus suadet, ut ad insitionem confugiatur, postquam aliquis infectioni naturali fuit objectus. Hoc ei in animum induxisse videtur, quod variola insitiva citius prorumpit, quam naturalis. Unde concludit, infectionem naturalem per insitionem posse praecaveri*. Si hoc votis medicorum respondeat, haud dubie res summi momenti est, quoniam ad omnia, quae ad insitionem excolendam possunt conferre, seriò diligenterque debet attendi. Et periculum fieri potest sine ulla noxae suspicione, quoniam compertum habemus, quantitatem materiae variolosae, per insitionem in corpus injectae, parvulam, viro naturali adjunctam, vim morbi parum nihilve esse intensuram.

SECT. IV. CURATIO ANTECEDENS.—Quamquam virus variolosum, nulla praeparatione adhibita,

* Vid. Transact. Med. and Chirurg.

bita, compluribus fuit inditum, et quanquam nonnulli medici celebres opinari videntur, preparationem, sine ulla injuria, posse omitti, manifestum tamen est, *cibo animali, liquoribus fermentatis*, et omni alio, quod statum morbi inflammatorium vel putridum adaugere periclitatur, abstinere omnino esse necessarium; et huic rationi, aliquamdiu ante operationem, debet insisti. Si vero aegrotus cibo animali, vel liquoribus spirituosus, multum fuerit assuefactus, ratio victus regimine leniori non nimis subito, sed gradatim, mutari debet.

Antequam ad insitionem decurritur, e plenioribus *sanguinem elicere* forsitan necessarium esse reperietur. Vel commoda sanguinis detractio- nis a *purgatione* alvi modica possunt deduci, qua ratione medicamenta, e mercurio confecta, tan- toperè laudata, agere posita fuerunt. Hae purga- tiones vero non eousque provehi debent, ut vires aegroto convellant, sed ut diathesin phlogisticam tantum diminuant. Quaedam constitutiones cor-
poreae

poreae relaxatae a dosi una alterave *corticis Peruviani*, singulis diebus adhibiti, multum commodi acceperunt. Denique, optima praeparationis regula, quae tradi potest, est debilitatos quam proxime ad statum sanitatis usitatum reducere, et non eos, qui eum excedunt, nimis infirmare.

Neminem potest fugere, quantum ad valetudinem commodam conferat tranquillitas animi absoluta.

Attenuant vigiles corpus miserabile curae,

Adducitque cutem macies; et in aëra succus

Corporis omnis abit, vox tantum atque ossa supersunt.
Spes igitur aegrontatis de effectibus insitionis salubribus, et de felicissimè convalescendo e morbo, omni ratione confirmanda est; praesertim si eventum ejus reformidare videatur. Universi animi affectus, qui eum contristant, intemperantia, vigilia et similia, quoniam corpus debilitant, cautè diligenterque vitanda.

P A R S S E C U N D A,

DE VARIOLA.

Heu pietas! heu prisca fides! invictaque bello
 Dexterâ! non illi quisquam se impune tulisset.

HIC morbus nec Graecis, nec Romanis,
 fuit cognitus; saltem nulla ejus mentio
 fit in scriptis eorum. ‘Neque in controversiam
 ‘venire debet,’ inquit vir clarus Friendius,
 ‘quin variola Graecis fuit incognita.’—‘Anti-
 ‘quissimus, quem aliquid de variolis memoriae
 ‘prodidisse constat, a Rhaze saepius laudatus,
 ‘Aaron Sacerdos, Alexandriae natus, qui, Ma-
 ‘humede imperante, A. D. 622, five circa He-
 ‘girae initia, triginta de re medica libros com-
 ‘posuit, in quibus signa variolarum tradidit*.’

Bruffius peregrinabundus, tempus, quo pri-
 mum in Arabia apparuerit, A. D. 522 circumscri-
 bit,

* Friend. Op. Omn. Med.

bit, et ponit exercitum Abyſſiniae, inter Beccam obſidendam, quae nunc Mecca appellatur, primum gravitati ejus ſuccubuiſſe. Eruditiffimus vero Friendius opinari videtur, Arabes hunc morbum ab oriente derivafſe. ‘ Arabes, ſine dubio,’ inquit ille, ‘ morbum in Ægyptum e ſua gente ad-
‘ vexerint, quem ipſi fortafſe antea a remotioribus
‘ orientis gentibus ſuſcepiffent.’ Quo hoc magis probabile reddat, adjecit: ‘ Horum enim anti-
‘ quiſſimi ſcriptores de eo non ita loquuntur,
‘ quaſi recenter orto.’ Hoc ulterius confirmat teſtimonium Holvellii, qui aliquamdiu in India manſit; namque notat, hunc morbum tempore, quo ſcripta nationis, quae Gentoos appellatur, in vulgus edita fuerunt, quod ante annos 3366, ſi fides Brachmanibus habenda eſt, incidit, aliquantum ſpatii habuiſſe oportere, quoniam in iis forma cultûs divini Deae Macularum, tempeſtate variolae durante, inſtituitur.

Poſtea una cum armis Mahumedis per Ægyptum, Syriam, Palaefthinam, Perſiam et mul-

SECT. V. MATERIA.—Vix ulla delectus materiae, vel quantitatis in corpus invehctae, ratio habenda est; namque notissimum est, quantitatem exiguam morbum esse moturam, immo effluvia cujuslibet, eo laborantis, ad morbum diffundendum sola sufficere; et quantitatem largam, in corpus introductam, nullam omnino morbi mutationem facere fuisse notatam. Insuper, eadem materia variolosa in uno variolam distinctam, in alio confluentem, progenerat. Adeo ut lenitas vel violentia signorum non tantum a materia, quae morbum facit, quantum ab aliis, pendere videatur.

Porro nihil notius est, quam pus variolosum, in aliquantum temporis asservatum, efficaciam non amittere, ut e modo id inferendi constat, cum consuetudo felicissima primum in Britanniam emigraverit. Praestabit tamen pus recens adhibere, quod, in spatium temporis diuturnius conservatum, effectus suos tardius edit. E variola insitiva, vel naturali, desumi potest. Et Dimf-
dale,

dale, praxi variolam inferendi longè latèque nobilitatus, summam vim efficaciamque habere putat, si e corpore, per stadium eruptionis, eximatur.

Hodie propemodum certum est, materiem variolosam non ullos e morbis aegrotantis, unde fuerit sumpta, cum infecto communicare. Si hoc incidere suspicareris, a morbis contagiosis potissimum proficisceretur. Sed res etiam non ita sese habere reperitur; nam pus variolosum, e puero, variola naturali laborante, sumptum, qui, eodem tempore, tussi convulsiva infestabatur, aliûs pueri inficiendi fuit adhibitum, qui variolam inde contraxit, sed a pertussi ex toto vacavit *.

C

PARS

* Monro on Inoculation.

tas alias regiones, ubi antea incognita fuit, se diffudit. ‘ Cum Saracenis primum morbus hic, ‘ in Europa, apparuit, et quascunque illi regiones armis occupaverunt, ibidem pare furore ‘ statim grassatus est *.’ Per regiones Europae diversas ab iis, qui a bellis, contra Saracenos, patriae natalis salvatoris generis humani recuperandae, gestis, redierunt, propagata esse, et apud incolas Angliae, centuria annorum decima tertia labente, bene nota fuisse videtur.

Cum morbus complures eodem tempore invadit, et signa similia habet, sed non semper eodem in loco subest, in tempus cessans, ut postea redeat, *epidemicus* vocatur. Variola pro morbo hujusce generis ritè habetur; quanquam interdum pauca exempla *sporadica* semet ostendunt. Plerumque apparet, sub forma epidemici, circa aequinoctium vernum; per aestatem et autumnum increfcit; et, hyeme appetente, cessat.

DEFINITIO.

* Friend. Op. Omn. Med.

DEFINITIO.—Synocha contagiosa cum vomitu, et, ex epigastrio pressio, dolore.—Tertio die incipit, et quinto finitur eruptio papularum phlegmonodearum, quae, spatio octo dierum, in suppurationem, et in crustas demum abeunt, saepe cicatrices depressas, five foveolas, in cute relinquentes.

A diversis auctoribus diversè fuit divisa variola. Sed omnes hae varietates sub duabus speciebus, *distincta* et *confluente*, possunt comprehendi.

S I G N A.

I. SPECIES DISTINCTA hoc modo finitur :
Variola pustulis paucis, discretis, circumscriptione circularibus, turgidis; febre, eruptione facta, protinus cessante. Per paucos dies, antequam pustulae erumpunt, aegrotus impiger somnolentusque

tusque esse videtur ; languore et lassitudine afficitur ; appetentia cibi languescit ; sed potionem praeter consuetudinem appetit. Haec excipiunt paroxyfmi caloris et frigoris alterni ; dolor capitis, dorfi, lumborum et regionis epigastricae, si haec manu prematur ; nausea et vomitio, quae saepe, pressura adhibita, renovatur. Adulti, si lecto contineantur, ad sudorem, et pueri ad frequentes subsultus, inter dormiendum, proni sunt ; caeterum in his Sydenhamus nunquam ullam ad sudandum, vel ante, vel post eruptionem, proclivitatem notavit. Pleraque signorum manent, donec tempus eruptionis appropinquat, cum graviora evadunt, aliquando vigilia et anxietate stipata. Et in pueris, per spatium temporis brevius, antequam pustulae erumpunt, convulsiones frequenter invadunt.

Tertio, vel, secundum Sydenhamum, quarto inclusivè ab invasione die, nonnunquam serius, raro tamen ante illum, pustulae apparent. Primum

mum erumpunt in facie, brevi postea in collo, pectore et brachiis, et denique, in artubus inferioribus. Febris, post eruptionem, decrescere pergit, et quinto die omnino cessat; quo tempore quoque, eruptio plerumque absolvitur.

Pustulae, cum primum apparent, sunt admodum parvae, distinctae et a se invicem separatae; colore rubrae, nonnihil morsus pulicum referentes. Brevi vero eminentiores evadunt; et tactae, firmae et acuminatae esse reperiuntur. Deinde plus formae conicae sibi adipiscuntur; et ampliores in artubus extremis, quam in facie, esse notantur.

Pustulae colorem rubrum, in aliquot dies, post eruptionem retinent; deinde, circa sextum diem, exigua vesicula in apice uniuscujusque earum apparet. Radices rubriores fiunt, et, si pustulae sint numerosae, hicce rubor ad cutem vicinam patet, et ruborem ejus damascenum universum facit.

Si pustulae faciei sint numerosae, fauces dolere

lere incipiunt, raucedine vocis stipatae; et, in quibusdam casibus, tonsillae non parum tumescunt. Eodem tempore, liquor tenuis ex ore effunditur, qui, crassior evadens, aegriùs expuitur. Una cum hoc signo nonnihil molestiae devorandi incidit, adeo ut humores sumpti per nares frequenter rejiciantur.

Vesiculae apicum pustularum humorem albidum coloris continent; latitudine, in biduum, increscunt; et depressione tum in medio exigua insigniuntur.

Cum facies pustulis multum obtegitur, non modicè tumet. Tumor, ante quintum diem, nunquam apparet, et plerumque, non in aliquantum temporis postea; caeterum frequenter plurimum adaugetur, et palpebrae adeo distenduntur et tumescunt, ut aegrotus visu privetur.

Prout morbus progreditur, materia pustularum magis albida magisque opaca fit. Hic albor citò longiùs latiùsque se spargit, donec, ad extremum,

tremum, pustulae ex toto plenae videantur. Materia deinde plus coloris flavi sibi assumit.

Die undecimo, pustulae plenam maturitatem attigerunt, et pisum magnitudine aut circiter adaequant. Hoc tempore, rubor tumorque faciei subsidunt; sed tumor manus pedesque occupat, qui quoque subsidit, prout pustulae harum partium propius ad maturitatem accedunt.

Brevi post hoc papulae rumpuntur, et pus, quod complectuntur, effundunt, quod super cutem labens, et arefcens, crustas format. Nonnunquam portio exigua tantum materiae effluit, et, quae in pustulis restat, ea crassa, et etiam dura, fit. Aliquando pus non effunditur, sed absorbetur, adeo ut pustulae speciem inanium vesicularum prae se ferant.

Circa diem decimum quartum, et crustae et pustulae induratae decidunt, et partem, iis subjacentem, coloris subfusci relinquunt. Nonnunquam, cum materia pustularum magis liquida fuit, et crustae serius deciderunt, has subse-

D

quuntur

quantur squamae furfuraceae, quarum messes reiteratae aliquando, quamvis rariùs, foveolas progenerant.

Papulae faciei primum ad suppurationem perveniunt, et decidunt; et deinde, ordine suo, aliis corporis partibus propriae, pro tempore, quo apparuerunt.

Quae febris, inter initia, variolam distinctam comitatur, ea inflammationem habet, vel Synocha est; et una cum ea conjunguntur magnus cutis calor, et ictus arteriarum pleni, duri, validi. Lingua plerumque muco crassiore obducitur, et sicca est; urina coloratior; et, per totum morbi decursum, aegrotus vel duritie alvi laborat, vel rariùs tantum dejicit. Nonnulli memoriae prodiderunt, frigus extremorum corporis hunc morbum, praesertim in pueris, ab ortu primo usque, comitare.

II. SPECIES CONFLUENS.—Haec ita definitur.
Variola pustulis numerosis, confluentibus, circum-
scriptione

scriptione irregularibus, flaccidis, parum elevatis; febre post eruptionem perstante. In varicella confluyente decursus morbi fere idem est, ac distinctae proprius; sed signa sunt violentiora, et febris, eruptione peracta, manet, parum nihilve diminuta.

Per primos morbi dies, accedunt vomitio, delirium et coma. Et in hac specie quoque convulsiones pueros infestant, sed maturius, quam in distincta, se in conspectum dant, numero majores sunt, et protractiores. Nihilominus non ita promptè in sudores dissolvitur aeger, sed diarrhoea nonnunquam eruptionem praecedit, et, in unum alterumve diem, post eandem, manet. Hoc, in altera specie, a Sydenhamo non fuit notatum.

Eruptio, secundo die, ex quo febris apparuit, saepe incidit: ‘ Fit tamen, licet oppido raro, ‘ ut ob atrocius aliquod symptoma, ad quartum ‘ vel quintum usque diem differatur; verbi ‘ gratia, acutissimus dolor, nunc in regione ‘ lumborum,

‘ lumborum, paroxyfmi nephritici aemulus ;
 ‘ nunc in latere, qualis pleuriticos vexat ; nunc
 ‘ in artubus, ut in rheumatifmo ; nunc denique
 ‘ in ventriculo, cum ingenti aegritudine, et vo-
 ‘ mitu enormi, ante eruptionem aegrum fatigat,
 ‘ angitque *.’

Pustulae aliquando, in morem rubeolae, aliàs
 in morem eryfipelatis, erumpunt ; et funt fem-
 per numerosiffimae ; sub initium vero plerum-
 que disjunguntur, fpatio tamen brevi coales-
 cunt, ita racemos formantes, faciem quasi ru-
 bra pellicula tegentes ; et, ut multo citiùs,
 quam in diftincta, tumeat, facientes.

Quanquam febris et alia figna, nonnihil im-
 minuuntur, eruptione pustularum ad finem per-
 ducta, febris tamen nunquam ex toto evanes-
 cit. Poftlea, cum violentia non modica, reno-
 vatur ; et huic nomen *febris fecondariae* medici
 indiderunt.

Veficulae albae femet citiùs, in variola con-
 fluente,

fluente, quam in distincta ostendunt; sed in illa papulae non elevantur et replentur, depri-
muntur vero; et tantum absunt, ut circulares
sint, ut nonnunquam ovalem aut angularem spe-
ciem prae se ferant. Omni quidem ratione,
figura irregulares sunt, depressoae, et sibi invi-
cem implicatae; et pelliculam albidam faciei
adhaerentem representant.

Materia, quam pustulae complectuntur, est
coloris pallido-albidi, admodum tenuis, et in-
terdum aquosa. Non colorem flavum sibi as-
sumit, sed fusca, potiusque subnigra evadit.
Quinetiam papulae aliquid ichorosum, vel san-
guinolentum, saepe continent. Quae crustae
effusione materiae formantur, eae ferius, quam
in distincta decidunt. Raro aliquid asperum
post sese relinquunt, sed eas excipiunt squamae,
quae fere constanter foveolas faciunt, et ali-
quando etiam faciem cavis cicatricibus defor-
mant.

Pustulae in facie magis exiguae magisque con-
fluentes

fluentes sunt, quam in aliis corporis partibus. Sunt modo admodum numerosae in faucibus, raucedine, difficultate deglutiendi, et etiam periculo suffocationis comitatae. Nunquam basi inflammata circumdantur, pro qua intervalla pustularum sunt pallida et flaccida.

Aliud signum est, quo variola confluens faepissime, sed distincta nonnunquam tantum, stipatur, salivae nempe excretio copiosa. Haec interdum incipit, cum eruptio primum apparet, aliàs non donec dies unus alterve post eam elapsus est. Quae saliva effunditur, ea est tenuis et expectoratu facilis ad diem undecimum usque, cum magis viscida evadit, et tunc plurimum molestiae aegrotanti faceffit. In pueris, pro excretionem salivae modo posita, diarrhoea invadit, quae, nisi ei arte occurratur, ad finem morbi usque infestat.

Praeter haec sunt varia anomola signa, quælia sunt urina sanguine tincta; et aliae sanguinis profusiones; interdum maculae exiguae nigrae

in apice pustularum apparent ; et vesiculae ferrosae, subter quas cutis proclivitatem ad gangraenam ostendit ; quinetiam non raro, praesertim in junioribus, urina supprimitur ; et petechiae, in intervallis pustularum flaccidis, saepe oriuntur ; faetore, morbo proprio, eas comitante.

Cum morbus exitio est, nobis horrorem saepe incutiunt signa formidulosa. Tumor faciei momento subsidit ; fluxus salivae subito cessat ; pustulae flaccidae fiunt, et intervalla pallida, livida, vel colore cinerea ; rigor accedit ; et febris hunc excipit, cum magna spirandi difficultate, animi deliquio et nausea ; anxietate perpetua ; tremoribus ; subsultibus tendinum ; delirio ; et mors tandem miseriarum aegrotantis finem facit.

PROG.

P R O G N O S I S.

Si signa attente considerentur, utrum morbus speciei distinctae vel confluentis sit, facile statuere valebimus, et ab eo, magna ex parte, pendebit prognosis. Attendenda vero quoque sunt tempestas, et constitutio anni epidemica; et aetas habitusque aegrotantis corporeus: ‘Cum
‘ viris exercitatis, robustis, et senibus peiores
‘ sunt variolae; et, e contra, in puerulis, mulieribus, laxis et imbecilibus plerumque exitus sunt feliciores *.’ Et hoc pro regula universa habendum est, morbum, quo plus speciei distinctae habeat, esse tutiorem; et eo plus periculi, pro rata ratione, prout pustulae magis confluunt, habere.

Vix quidem mitior morbus est, quam variola distincta; et tantum periculo stipatur, cum
pustulae

* Winteringh. Comment. Nosologic.

pustulae numerosae faciem obsident. Eventum morbi faustum fore portendere possumus, cum pauci paroxysmi convulsivi leniores, protinus ante eruptionem, invadunt; cum febris eruptionis est mitis; et, pustulis erumpentibus, cessat; cum hae sunt amplae; materia crassa flava bene repletae; prominentes; et margine inflammato circumdatae; et cum facies, manus pedesque ritè tumescunt. Fluxus salivae modicus in adultis, et diarrhoea in pueris, faustis signis annumerantur. Notatum fuit, plerosque eorum, qui distincta variola rapiuntur, die octavo perire.

Confluens variola vero plus minusve periculi semper habet, quod a numero et gravitate signorum, praesertim ab iis, quae proclivitatem ad putredinem ostendunt, pendet. Finem morbi malum fore plerumque praesagiamus, cum febris eruptionis violenta est; cum typhus est; cum pulsus arteriarum frequentes et exiles; et

aegrotus admodum infirmus. In eandem sententiam concedunt medici, cum coma vel delirium citò apparet; cum dolor ventriculi gravior est, et nausea vomituque stipatur; cum dyspnoea subest; et dolor pectoris laterisque cum tussi; et intensa vel magna faucium inflammatio.

Exitium aegrotanti minatur ferè certum, si pustulae maturè erumpant; et admodum numerosae sint, praesertim in facie; magnitudine abnormes; et exiguae; materia ichorosa, vel subnigra completae; si, post eruptionem absolutam, non ritè repleantur; nec aequae rotundae et acuminatae, ac debent, maneat, sed, contra, subsidant, et sese spargant; vel maculam nigram in medio habeant; vel, postquam apparuerunt, admodum subito recedant; si, pro margine inflammato circa bases, intervalla maculis lividis, vel colore purpureo, cooperiantur; si sanguis e partibus corporis diversis profundatur; vel urina supprimatur; vel, si nec facies, nec
extrema

extrema intumescant ; vel tumores, ante tempus idoneum et consuetum, evanescant.

Dies undecimus est maximè periculosus, in specie confluente ; namque, eo tempore, saliva adeo viscida evadit, ut, non sine difficultate, excernatur ; et aëgotum suffocare periclitetur. Circa hoc tempus quoque, febris, quae tantum remiserat, violentiùs redit. Cum signa putredinis non concitiora sunt, eventus saepe ad diem decimum quartum, et nonnunquam ad decimum septimum, vel vigesimum, differtur. Quinetiam aegrotus quoque convulsionibus prius consumitur, quam ulla eruptio se ostendit.

D I A G N O S I S.

Variola, sub initium, speciem aliarum febrium induit, ab his vero satis accuratè dignoscetur, si compertum habeamus, quinam morbi epidemici, eo tempore, invalescunt ; vel si certiores

tiores fiamus, aegrotum contagioni fuisse objectum, et hoc morbo non antea laborasse; vel, spatio brevissimo, omnem dubitationem certiùs tollent pustulae apparentes. Caeterum, aliquando periclitatur habere pro aliquo exanthematum, praesertim varicella, rubeola, et erysipellate.

E similitudine, quam *varicella* cum variola habet, aliquando fuit deductum, hominem in hanc, saepiùs semel per decursum vitae, incidere posse. In varicella febris levior est, et spatium durationis minus certum, quam in variola, habet. Pustulae raro ad suppurationem pergunt, vel, si res aliter sese habet, citiùs suppurantur, et citiùs igitur quoque in crustas formantur. Materia, in pustulis formata, nunquam eundem colorem vel spissitudinem, quae in pustulis variolae reperitur, sibi acquirit.

In *rubeola*, pustulae in papulas oculo manifestas

tas non eleuantur, et, digito applicato, vix emi-
nere sentiuntur. In rubeola, eruptio multò ci-
tius evanescit, et eam subsequitur farinacea des-
quamatio. Insuper, rubeola stipatur sternutati-
one, epiphora, et tussi frequente, rauca, sicca;
et febris, per totum morbi decursum, persistat.

In *erysipelate*, rubor, potius quam pustulae,
in aliqua faciei parte apparet, qui pressione evan-
escit, vel saltem flavescit. Hic rubor, sub ini-
tìo, nullum magnum spatium occupat; sed ad
alias partes faciei gradatim vagatur, dum in iis,
quas ante tenuerat, decrescit.

C A U S Æ.

Experientia quotidiana docet mortales, con-
tagionem variolosam, corpori admotam, ad hunc
morbum progenerandum, esse necessariam. Et
hodie apud omnes plerumque convenit, vario-
lam

lam non ullam aliam *causam excitantem*, praeter contagionem, habere; et multa argumenta hujus opinionis stabiliendae possunt proferri.

Hic morbus nunquam in ulla regione semet ostendit, quin omnem ejus ortum, ad contagionem variolosam manifestè invec̃tam, prosequi possimus. In exemplo hujuscemodi, non, ut ultra patriam nostram progrediamur, necesse est. Namque nunquam accepimus, variolam in Britannos invasisse, ante tempus, quo contagionem eò invec̃tam fuisse novimus. Graeci, Romani aliaeque nationes, quae hoc morbo vacabant, aliis causis, quae eam progenerare dictae fuerunt, objiciebantur, eo tamen nunquam infestabantur; hoc certè hinc pendet, quod contagio nunquam in eos immigravit.

Infectionem effugere possumus, si nosmet ab aëre polluto remotiores vitam consultò agamus; morbum tamen per insitionem, ubi quantitas viri variolosi exigua in systema corporeum introducitur, excitare valemus, quod eam vim
contagiosam

contagiosam veram habere demonstrat. Insuper, neminem fugit, pus variolosum, in spatium temporis diuturnum, efficaciam retinere; hinc ad civitates amplas et florentissimas per advenas adduci potest, ubi non tantum propagari, sed inde ad alia loca per homines, ea petentes, devehiri potest. Alia contagia ad loca longè remota, sub forma fomitis, asportari reperimus; et igitur non irrationale est ponere, contagionem variolosam eodem modo avehi posse. Et veritatem hujus multi fuerunt experti. Multa alia argumenta, si ad hanc opinionem suffulciendam necessaria forent, possent in medium proferri.

Neutiquam tamen hinc concludere volumus, morbum, inter initia, a contagione fuisse profectum; namque asserere primum mortalem, qui variola laboraverit, eum hoc modo accepisse, rationi contrarium foret; sed tantum ostendere, contagionem, per se solam, ad morbum faciendum sufficere; et alias causas, quales sunt me-

tus;

tus; affectus animi violentiores subito excitati*; quicquid inflammationem graviolem facere potest†; &c. nullo fundamento certo stabilique inniti. Quantum enim primam hujusce morbi originem spectat, ea omnes mortalium investigationes effugit, et res quidem nullius ferè momenti est. Cum vero novos morbos a causis externis manifestis ortum deducere, et postea contagione propagari, reperiamus; ex analogia concludere licet, hunc morbum, per aliquam aliam causam, quam contagionem, progigni potuisse, et revera progenitum fuisse. Ita, si fidem auctori illustri habeamus, reperiemus morbum, non minus formidulosum quam variola olim fuit, ab exhalationibus putridis, quas aliquantum coffeae vitatae, &c. emiserat, provenisse, et semet per sua effluvia contagiosa diffudisse‡. Caeterum, quo non humana divinis intermiscemus,

* Bromfield on Inoculation.

† Thompson on the Small-Pox.

‡ Rush on the Yellow Fever.

misceamus, tutò concludere licet, unicam causam excitantem hodie esse contagium.

Natura hujusce *contagii* summa obscuritate involuta est ; sed admodum singulare esse, et, summo jure, nomen specifici mereri videtur. Compertum habemus, eundem hominem, semel tantum per totum vitae decursum, afficere; et Meadius, medicus illustris, casum pueri, in utero ope matris, dum maritum hoc morbo laborantem curabat, affecti mirabilem, posteris prodidit ; et mater quidem de variolis nihil contraxit ; foetus vero mortuus, totoque corpore, mirum visu ! pustulis foedatus, se, nondum in luminis oras egressum, lue hac consumptum fuisse, manifestè comprobavit. Ita matrem morbum effugere comperimus, quanquam corpus ejus vehiculum praebebat, per quod contagium cum puero communicabatur. Et quidam habitus corporei singulares sunt, qui per contagionem affici non posse videntur. Insuper alii sunt,

F

qui

qui contagioni resistunt, quamvis in centro ejus, si ita loqui liceat, vivunt; et postea tamen afficiuntur, dum nemo ullam mutationem singularem, quae in corporibus eorum inciderit, percipere potest. Eadem contagio quoque, vel variolam distinctam vel confluentem, ut supra fuit positum, propagare potest. Sunt quidem tam multa phaenomena, quae hanc contagionem singularem comitantur, et tanta obscuritate implicantur, ut id, quod eruditus Doctor Friend de argumento diverso protulerit, dicere possimus:

‘ Sunt in hac re multa perobscura et recondita,
‘ multa impedita et subtilia, quae nullis prae-
‘ ceptis perfectè edoceri, nulla explicatione ple-
‘ nè cumulatèque tradi possunt.’

In exemplo multorum morborum, necessarium est, ut corpus conditionem idoneam, vel *proclivitatem* ad eos, habeat, antequam noxa vel causa excitans, ullum in id effectum edere potest. Utrum vero res in variola ita sese habeat,

vel

vel in quonam feminium consistat, dubium est. Complures corporis conditiones mortales, ad hunc morbum proclives, reddere fuerunt existimatae.

Pueros hoc morbo frequentius, quam adultos affici, haud dubiè verum est; sed hoc aliter, quam per feminium, potest exponi. Etenim, cum hic morbus hominem tantum semel corripiat, et cum nemo adversus eum tutus sit; quum epidemicè grassatur, unusquisque, non eo antea affectus, vim ejus sentiet, contagioni objectus. Et cum saepissimè epidemicè saeviat, pueri, qui ab eo immunes hucusque vixerunt, accessioni ejus maxime patebunt, et ita reditui ejus, cum aetatem adultam attigerunt, occurretur.

Alii pro feminio habuerunt, quodcunque corpus debilitat. Causas, quae vires corpori convellunt, aliquantum ad certam morbo naturam conciliandam posse conferre, nemo negabit; necessarium vero non esse videtur, ut corpus prius debilitetur, quam contagium variolosum in id
agere

agere potest; nam variola in hominibus, nulla ex parte debilitatis, fuit excitata. ‘Nec quifquam hominum,’ inquit auctor Conspectus Medicinae Theoreticae illustris, ‘tam firmam valetudinem, tantumque corporis robur habet, quin, causis quibusdam excitantibus admotis, in gravissimos morbos incidat. Variola semel, lues venerea saepe etiam firmissimos inficiunt.’

Cum variola hominem tantum semel, vita durante, invadat, constitutionem corpoream hoc morbo nunquam antea affectam, pro seminio ex parte, sed non ex toto, habere possumus; quoniam alii variolam protinus effugerunt, et alii, certo tempore, contagioni impune fuerunt obiecti, qui tamen postea morbo fuerunt correpti. Hinc apparet, medicos eam corporis conditionem, quae mortales ad variolam pronos reddit, nondum perspectam habere.

Contagio variolosa systema corporeum ingredi potest, per vasa pulmonum absorbentia, membranae

branae oris nariumque internaë, vel una cum saliva, in ventriculum devehì potest. Tales potestates in corpus exercet, ut brevi, postquam eo recepta sit, febrem et alia signa excitet. Deinde materia formatur, et in superficie corporis, sub forma pustularum, apparet. Hae decursum suum habent, et, in morem aliorum phlegmonum, ad suppurationem perveniunt. Postea exsiccantur, et in crustas abeunt, quae, tempore certo, decidunt; et corpus, brevi temporis spatio, priori conditioni restituitur.

Rhazes posuit contagionem, in modum fermenti, in sanguinem agere, quale in musto fieri solet, eumque ferius aut citius materiam peccantem, per cutis glandulas, ejiciendo, sese purificare. Theoria Culleni hanc, magna ex parte, referebat. Sed vir clarus Van Swieten opinatur, contagium variolarum non assimilare sibi tantum certas quasdam humorum moleculas, sed omnia fluida et solida corporis posse corrumpere. Utra ex hisce opinionibus sit maxime probabilis,

lis, statuere non conabor; namque

Non nostrum inter vos tantas componere lites.

Sed contagionem variolosam potestatem aliquas partes corporis, quo recipitur, in suam naturam mutandi habere, hinc inferre forsitan licebit, quod exigua quantitas, ingesta, tam multiplex redditur, ut nonnunquam corpus totum obtegit, quasi una pustula, materiae plena, cujus quantitas parvula morbum cum alio, sua vice, potest communicare.

R A T I O M E D E N D I.

Variola discreta quidem tam mitis morbus est, ut vix ulla remedia opus sint. Febri eruptionis optimè occurret regimen antiphlogisticum, strictè adhibitum; quod, in omnibus irritamentis, sed potissimum calore, vitandis consistat.

Frigus est remedium, quod praecipue ad violentiam febris eruptionis compescendam accomo-

datur;

datur; et ita, ut morbus speciei distinctae oriatur, facit. Ad tantum gradum usque applicari potest, quantum aegrotus sine incommodo tolerare valet. Haec ratio medendi, quam, magna ex parte, Sydenhamo debemus, hodie a plerisque Europae medicis adhibetur, et cum successu tam prospero, ut de ejus efficacia nequeat dubitari.

Morbus vero summam attentionem postulabit, cum, ab infectione proficiscitur, vel, post intitionem, violentus et confluens evadit. Hic, applicatio frigoris diligentissima potissimum exigitur. Licet vero hoc remedium praecipuum sit, non ei ex toto confidere debemus. Alia remedia sunt necessaria.

I. *EMETICA*.—Nauseam et vomitionem promovere possunt leniora emetica; et conamina quidem evomendi utilitatem eorum demonstrare videntur. Quinetiam ventriculum et bronchias

a muco viscido repurgando proficiunt. Cutem relaxando, et spasmum tollendo eruptioni pustularum viam sternunt; namque fuit notatum, vomitionem utilem fuisse, cum modo abnormi, sub tempus consuetum, erumpunt, et in cute, cum parvo nulloque tumore, et minore colore, quasi sepultae jacent *. Intestina stercore indurato liberando saepe agunt, et ita summam irritationem corpori demunt.

Cum vero vomitus magnum humorum impetum ad caput faciat, conveniet, in corporibus plenioribus, sanguinis detractionem ante adhibere. Et in exemplis inflammationis ventriculi, quae nonnunquam subesse videtur, irritatio, inde oriunda, noxae esse potest.

II. *SANGUINIS DETRACTIO*.—Si signa inflammationis concitiora sint, vel si aegrotus plenior sit, et ictus arteriarum plenos durosve habeat, ad detractionem sanguinis confugiatur.

Quinetiam

* Huxham on Fevers.

Quinetiam, fuit reperta levare dolorem capitis et lumborum, qui plerumque hunc morbum comitatur; compescere anxietatem et oppressionem pectoris, et ita facere, ut signa, quae subsequuntur, leniora evadant *.

Quantum sanguinis elici debeat, indicabunt gradus febris, violentia signorum, tempestas anni, aetas habitusque corporeus aegrotantis; sed ante omnia alia, pulsuum arteriarum conditio. Sanguinis missio maxime necessaria erit in iis, qui sanguine redundant, juvenia florente, et vere et hyeme labentibus.

Ad eam, in infantibus, caute decurratur; et in debilibus, relaxatis et irritabilibus, qui ictus arteriarum debiles et exiles plerumque habent. Cullenus notavit, eam repetere raro esse necesse, quoniam jactura virium eam excipere consuevit. In corporibus infantilibus et junioribus, cum febris eruptionis non modica est, et signa

G

gravia

* Hoffm. Op.

gravia esse pergunt, ut haec evacuatio, per hiru-
dines talis applicatas, fiat, non pauci monent.

III. *LAXANTIA*.—Quo usum purgantium,
hoc in morbo, illustremus, ad ea, quae clarus
Winteringham observaverit, decurremus. Ille qui
notavit, hosce aegrotantes, in quibus alvus mo-
dicè et sponte fusa semet ostenderet, signa ple-
rumque leniora habere; et in locum hujus, cum
deficeret, prosperè substitui medicamenta anti-
phlogistica laxantia. Hoc planè demonstrabit,
diarrhoeam, cum incidit, non usu adstringen-
tium esse compescendam. Quanquam necessa-
rium erit, ne immodica fiat, cavere.

Purgatio alvi eisdem exemplis, quibus missio
sanguinis, accommodatur, et multo tutior est.
Cum alvus adstricta est, clysteribus laxantibus,
pro re nata, emollienda. Quae laxantia refri-
gerant, ea sunt utilissima.

IV. *FOMENTA*.—Cum morbus, pro nu-
mero

mero pustularum faciei, periculo stipetur, artus inferiores foveri et in aqua calida lavari, materiam morbificam a capite derivando, prodesse potest. Fomenta et lavatio calida, eruptionis promovendae, ubi applicatione frigoris intensiore fuit retardata, nonnunquam adhibita fuerunt; et forsitan extrema foveri tumorem eorundem adjuvare potest.

V. *GARGARISMATA*.—Haec emollientia, et nonnunquam stimulantia, commodum afferre possunt, cum tumor faucium est gravior, et potestate devorandi difficili stipatur. Et in usum revocari possunt, excretionem salivae promovendi consilio, cum adeo viscida evadit, ut cum difficultate expectoretur.

VI. *OPIATA*.—De utilitate anodyna et opiata in variola adhibendi, alia alii medici sentiunt. Quidam, ut Simpson, Tissot, &c. ea pro remediis, in multis hujusce morbi exemplis, admodum

modum periculosis habent. Posterior iis enixè adversatur. Notat, opium esse unum e sudorificis maxime calefacientibus, et quidem praecipuum; et haec medicamenta etiam ab iis, qui opio summo ardore patrocinantur, prohibere: Humores hoc in morbo perquam acres et corrosivos esse, et igitur opium, remedium in primis acre et corrosivum, prodesse non posse: Opium, in morbis inflammationem habentibus, gangraenam movere periclitari, quae semper in casibus variolae gravioribus, inflammatione magna stipatis, reformidari: Opium, salivae fluxum, qui, iudicio omnium, hoc in morbo admodum salutaris esse creditur, sistere fuisse reperi-
tum, et igitur noxium esse oportere.

Quomodo vero haec sententiae Sydenhami accomodare possumus, qui, in variola, tantam fiduciam in usu opii collocat? Planè affirmat, se multos aegrotantes, usu opii, e faucibus orci eripi novisse: Id fluxum salivae adjuvare, tumorem manuum et pedum promovere, et eos,
ad

ad spatium idoneum absolutum, producere. Immo monet, ut, circa quintum diem, adhibeatur, et in ejusdem usu, donec periculum praeterierit, persistetur. Qua ratione lites tantas, inter tantos viros, componemus? Num Sydenhamo, ob observationem solitam fidelem et accuratam, assentiemur? Haudquaquam. Lis vero testimonio experientiae subjiciatur, quod me, si sententiam recussem, satis excusatum habebit.

Quidam tamen casus sunt, ubi opium utile, et etiam necessarium est. Ob dolorem tam magno numero pustularum, ad suppurationem tendentium, factum, aegrotus vigilia saepe infestatur; quo in exemplo, multum, doses opii idoneas dando, prodesse possumus. Opiata in casibus profusioris diarrhoeae adhibere liceat. Insuper, ad eadem, somni quaerendi, et inquietudinis praecavendae, confugere erit necessarium, et etiam in pueris; hi vero iis cautius, quam adulti, utantur.

Haud dubie conveniet tales doses, quales
aegrotanti

aegrotanti quietem concilient, praescribere. Cum vero eadem opii dosis effectus diversos in diversos homines edere possit, semper tutius erit a dosibus modicis incipere, et eas, donec eam, quae somnum aegroto comparat, attigimus, augere. Et praeterea, quanquam doses ampliores somnum magis praesentaneum inducunt, minus tamen reficit, quam qui, dosibus minoribus adhibitis, obrepit. Quantum ad opiata spectat, Sydenhamus monitum perquam utile et practicum tradit; nempe ut spatium temporis idoneum, inter singulas doses, semper interponere debeamus, ut pernoscere valeamus, utrùm dosis ultima id, quod quaerimus, praestiterit, antequam nova ingeratur. Quinetiam cura habenda est, ut duritiei alvinae, quam opiata gignere solent, per purgantia, aut enemata laxantia, ritè occurratur.

VII. *EPISPASTICA*.—Haec, faucibus externis, in exemplis deglutitionis difficilioris, applicata,

applicata, et tumorem eorundem, solito majorem, diminuere, et excretionem quoque muci viscerum et salivae promovere, utilia esse reperientur.

Hillarius suadet, ut ad epispastica decurratur, cum aegrotus habitu laxus et debilis est; cum pulsus arteriarum depressiores sunt; cum expulsio pustularum, ob febris defectum, adjuvanda est; cum tumores faciei manuum et pedum promovendi; et cum fluxus salivae, cohibitus, restituendus. Tissot, uti refert, levationem aegroti comparavit, ubi, relicta cute, ad pulmonem acre devolvit virus, cum frequentissimo, celerissimo debilique pulsu, cutis siccitate, orthopnoea, anxietate, delirio, partibus corporis extremis larga et acerrima vesicatoria applicando.

VIII. *CORTEX PERUVIANUS*.—Propter effectus corticis in exemplis putridis salutares notissimos, et potestatem tonicam, procul dubie expediet eum adhibere, in iis casibus, ubi jactura viri-

um,

um, vel petechiae, urina sanguinolenta, vel aliae haemorrhagiae, proclivitatem humorum monstrantes, semet ostendunt. De effectu corticis in variola, Monroius cl. senior, cui tantum medicina debet, observata sequentia profert :

‘ The effect of the bark in procuring a kindly and mild suppuration, led me to imagine it might be serviceable in the small-pox of a bad kind, where either a right suppuration did not come into the pustules, or petechiae shewed a disposition to gangraene. And I had the pleasure to see the effects I expected from it in several variolous patients to whom I gave the bark. The empty vesicles filled with matter, watery sanies changed into a thick white pus, petechiae became gradually more pale coloured, and at last disappeared, and the blackening of the pox began sooner than was expected.’ Postea addit : ‘ I have only given the bark in the small pox after the eruption, and continued it till the blackening was completed ;

‘ completed ; but am persuaded, from the ef-
‘ fects I saw of it in mitigating the secondary
‘ fever, that, if it is given during the eruption,
‘ it might be of use in determining the small-
‘ pox to be of a favourable kind.’ Pulverem
a decem ad quadraginta grana, singulis qua-
tuor vel quinque horis, e quovis vehiculo ido-
neo, adultis praescribere consuevit ; puero quan-
titem diversam, nempe a ʒss. ad ʒii, portioni
lactis calidi exiguae admistam, sub forma ene-
matis, bis, uno quoque die, dedit, intestinis cras-
sioribus per clyisma laxans prius exonoratis *.

Non parum probabile esse videtur, discrimen
speciem variolae distinctam inter et confluentem,
a diathesi systematis inflammatoria pendere. Igi-
tur, per febrem eruptionis, corticem Peruvia-
num cautè daremus, quoniam statum corporis
inflammationem habentem augendo, formam
morbi a miti ad confluentem mutare periclitatur.
Plerique auctores monent, ne cortex in usum

H

revocetur,

* Ed. Med. Essays, Vol. 5.

revocetur, cum spiritus est difficilis, alvus admodum adstricta, et abdomen perquam durum tumidumque. Hisce signis vero sublatis, ad eum, si sit necessarium, potest decurri.

IX. *VINUM*.—Hoc, in iisdem casibus, in quibus cortex, est adhibendum, ut proclivitati ad putredinem et debilitati succurratur. Vinum quoque est cardiacum gratissimum; et hoc commodum possidet, ut ex aqua adeo dilui possit, ut ulla quantitate sumi queat; quae viribus aegroti, et consuetudinibus vini utendi prioribus, accomodari debet.

X. *ACIDA*.—Haec, rite diluta, signum ficitatis in ore et faucibus molestissimum relevare reperientur. Insuper acida, ob vires antisepticas, ubi petechiae adsunt, vel aliae notae putredinem non longè abesse denunciant, juvant. Sydenhamus spiritum vitrioli, a die quinto vel sexto, capiendum jussit, et dum pustulae maturarentur,

rentur, in usu ejus, cum successu prosperrimo, perstet, praesertim in ea specie, quam *variola confluentem nigram* denominat. Expertus est, pustulas, ab usu ejus, colorem magis flavum sibi assumere, et ampliores evadere; et gravitatem omnium signorum inde magnopere diminui. Vel vitriolicum vel vegetabilia in usum revocari possunt.

Non alienum erit nunc quaedam signa singularia considerare, quorum curationis non antea aptè meminisse potuimus.

a. *Convulsiones.* Hae pueros aliquando invadunt, et admodum formidulosae adstantibus videntur. Cum finem diei tertii versus accedunt, et protinus ante eruptionem, raro multum periculi habent. Si vero maturiùs aegrotum vexare incipiant, et violentae et frequentes sint, res longe aliter sese habet, et remedium praesentaneum requirunt. Quod efficacissimum esse fuit
repertum,

reperitum, id est opium tam larga portione datum, quam aegrotus facilè tolerare valet; quod ut signa indicant reiterandum. Opium, sub forma tincturae Thebaicae, ut clyfma, in alvum, durante paroxyfmo, immiti poteft, quoniam aegrotus, eo tempore, devorare nequit. In aliis cafibus balneum tepidum; in aliis frigidum profecit, namque clarus Walker notat, balneum frigidum plurimum boni praeflare, cum paroxyfmi funt protractiores et graviores. Multum profuiffe obfervavit Van Swieten, fi caveatur, ne infantes dorfo incumbant fupini, fed in alterutrum latus converfi jaceant.

b. *Urina fuppreffa.* Quo huic figno opitulari poffumus, Sydenhamus, tam frequenter in hacce differtatiuncula citatus, nec immerito, monet, ut aegrotus e lecto eximatur, et huc illuc, in cubiculo, in aliquantum temporis, ambulare cogatur. Hanc modicam exercitationem excretionem urinae copiofam, brevi fpatio, excipere compertus

compertus est. Praeterea, de casu aegroti memin-
nit, qui, semet in genua collocando, urinam
reddere dedicit. Cum hoc signum aliquando a
faecibus induratis, cervicem vesicae nimia pres-
sura afficientibus, proficisci potest, ei optime suc-
curret enema adhibitum.

c. *Febris secundaria.* Haec potissimum variola
confluente circumscribitur; interdum tamen in-
distincta non deest, cum pustulae sunt perquam
numerosae; sed evanescit, cum pustulae plenam
maturitatem attigerunt, vel forsitan gradu levissi-
ma manet, donec pustulae faciei decursum su-
um absolverunt. Purgatio sanguinisque emissio
sunt necessariae, cum inflammationem habet;
hoc vero rarum est, etenim vir clarissimus Dr
Gregory memoriae prodit *, ni fallor, se casum
ejus nunquam offendisse. Plerumque ad putre-
dinem vergit, in quo casu, sanguinem extrahere
haud dubie alienum foret. Remedium, in quo
fiducia

* In Praelect. suis.

fiducia potissimum collocanda, est cortex Peruvianus, tam largiter datus, quam ventriculus ferri potest. Acida quoque adhibeantur; et vis vitae vino sustineatur.

In variola, cibus sit concoctu facilis, et vegetabilibus potissimum constet, et putredini adversetur. Ægrotus potum diluentem liberaliter adhibeat, cui intermisceantur acida vegetabilia. Quodlibet genus cerevisia tenuis adaequat, nec defint fructus recentes horaei. Summa ratio munditiarum habeatur; et, ante omnia alia, ad cubiculum aegrotantis aër purus, frigidus, et ab inquinamentis, quantum fieri potest, repurgatus, adspiret.

F I N I S.

